

詞

綜

補

遺

詞綜補遺卷十七

長洲 陶 樑 緝

元詞六十五首

耶律楚材 一首

姜 夔 三首

陳思濟 一首

趙若秀 一首

劉 元 一首

李德基 一首

張伯淳 九首

姚 燧 十三首

王 結 六首

柯九思 四首

胡祇遼 一首

馮子振 四首

拜 住 一首

蒲道源 三首

歐陽元 十二首

劉雲震 四首

耶律楚材

字晉卿遼東丹王八世孫金尚書右丞履之子楚材從元太祖平定四方太宗時累

官中書令贈太師封廣寧王諡

文正元史有傳有湛然居士集

四庫全書總目王士禎池北偶談摘錄其詩以爲頗有風味而稱其集多禪悅之說考僧行秀所作集序稱楚材年二十七受顯訣於萬松盡棄宿學其耽玩佛經蓋亦出於素習今觀其詩語皆本色惟意所如雖時時出入內典而大旨必歸於風教

鷓鴣天

題七真洞

見歷代詩餘

花界傾顛事已遷  
浩歌遙望意茫然  
江山王氣空千劫  
桃李春風又一年  
橫翠嶂架寒烟  
野花平碧怨啼鵑  
不知何限人間夢  
併觸沉思到酒邊

姜

彧

字文卿萊陽人中統四年知濱州遷東平府判官至元五年召拜治書侍御史歷官至行

臺御史中丞

元史有傳

浣溪沙

題晉溪

見山西通志

方丈惟空瞰碧潭潭光山色靜相涵  
開軒千里供晴嵐  
流水桃花疑物外  
小橋烟柳似江南  
挽將風月入醺

酣

又

山滴嵐光水拍隄  
草香沙暖淨無泥  
只疑誤入武陵溪  
兩岸桃花紅日出  
四圍高柳到天垂  
一尊心事百年

期

鷓鴣天 再題晉祠

滿谷瀟瀟落葉黃，繡衣驄馬駐平岡。一川野色迷秋色。

四面山光接水光。花作陣，酒爲漿。晉祠風物正重陽。

殷勤留住皇華使，同放乾坤入醉鄉。

陳思濟

字濟民，號秋岡，柘城人。世祖時，右司都事，拜監察御史。遷同知紹興路總管府事，轉同知兩浙都轉運司，調陝西漢中道提刑按察副使。歷官河南、江、北等處行中書省事。諡文肅。

元史有傳

木蘭花慢

與宣慰趙中順，獻浙西之餘杭過洞霄，故宮因作樂府，以道吾懷。至元十七年秋七月廿二日，爲吳清虛周清溪題於琳宇之一庵。見洞霄詩集。

望西南三柱插天翠，一峯寒儘泄霧噴雲，撐霆柱月氣。

壓羣山神仙舊家洞府但金堂玉室畫中看苔壁空留  
陳迹碧桃何處驂鸞 兵餘城郭半凋殘製錦古來難  
喜村落風烟桑麻雨露依舊平安興亡視今猶昔問漁  
樵何處笑談間斜倚西風無語夕陽烟樹空閑

趙若秀

號西  
湖子

木蘭花慢

游洞霄故宮和陳秋圃韻  
詩集

見洞霄

看洞天福地秋氣爽濕衣寒對九鎖峯高擎天一柱壯  
觀杭山巖前舊遺仙跡幻雲根直作畫圖看多少喬松  
古木真如舞鳳飛鸞 西風匹馬夕陽殘行路肯辭難  
便乘此清游欲尋仙去心與身安班超侯封萬里笑虛

名牢落滿人間試問潺潺流水無心爭似雲閑

劉

元

會稽人

木蘭花慢

游洞霄故宮和陳秋圃韻

見洞霄

詩集

問神仙何處尋溪路水聲寒此福地靈巖西南天柱洞  
府名山翠蛟對誰或舞更巖飛龍鳳駭人看見說丹成  
仙去當年跨鶴乘鸞浮生貪勝似碁殘一著省時難  
便採藥眠雲吟風對月醉酒長安一任流行坎止又何  
須汨汨利名間試與林泉相約幾時容我投閒

李德基

平水人

按德基稱至元辛巳秋同上黨党公敦夫來游辛巳爲世祖至元十八年相距僅逾一載

偶見秋岡留題爲之追和耳

木蘭花慢

次韻秋岡陳同知

見洞霄詩集

訪仙家洞府仰天柱徹高寒對百尺飛湍四圍喬木九  
鎖青山危亭晚來極目勝王維三昧畫中看何處朝元  
會宴時聞命駕迴鸞 桃花臨水已凋殘別後見應難  
歎昨日秦宮今朝漢苑一夢槐安征鞍欲留無計恐仙  
碁一局換人間羨煞知還倦鳥白雲相對空閒

張伯淳

字師道崇德人宋末舉童子科至元間以薦除杭州路教授遷浙東道按察司知事官至

翰林侍講學士元史有傳有養蒙先生詞一卷

按鄧牧洞霄圖志載元貞元年重建洞霄宮記爲家鉉翁撰張伯淳書結銜稱翰林直學



詞緇補遺卷十七  
士奉訓大夫知制誥同修國史云云

木蘭花慢

載西山爽氣添不重月船輕記前度今朝瓊花爛漫管  
領歌聲今歲穠華深處羨袞衣還看綵衣榮人世雲萍  
相遇歲寒松柏長青 行行催覲朶雲明曉色上觚稜  
看春去春來依然黃閣移近家庭浮雲儻來軒冕算古  
今久遠是功名尙有寒厓枯卉東君也解留情

又 送季治書

羨高標雅重窗八扇更玲瓏每風日佳晴湖山清處袍  
錦從容不把雲霄自隔向尊前看我嘯吟中人世流光

易老古來知已難逢 青驄來往太匆匆 呀護有紗籠  
想當道豺狼先聲到處 膽落英風南枝暫容橫榻算覽  
觀有眼興無窮別後相思何處心期付與飛鴻

又 贈彈琵琶者

愛長廬年少將雅調寄幽情儘百隊春和羣喧夜寂老  
鳳孤鳴都來四條弦裏有無窮舊譜與新聲寫出天然  
律呂掃空眼底秦箏 落紅天氣暖猶輕洗耳爲渠聽  
想關塞風寒潯陽月色似醉還醒軒窗靜來偏好到曲  
終懷抱轉分明相見今朝何處活溪乍雨初晴

糖多令 寄吳開閑

言集卷之十一  
移住近瀛洲天槎去莫留數歸期已過中秋上界羣仙  
宮府是雲不礙水長流 酒令與詩籌依然記舊遊倚  
斜陽分付羈愁應與鼇峰人共語還不減去年否

齊天樂

送馬德昌

人生南北如歧路相逢自憐不早傾蓋班荆分燈並壁  
吟卷筆牀茶竈交情古道怕催詔翩翩好風吹到聚久  
別離初蛩那更碎懷抱 臨行誰勸駐馬待將塵土事  
妨我吟嘯小佳雖佳還堪就否催得雲帆縹緲官梅正  
好比前度孤山賸開多少兩處心旌倚樓同晚照

又

次韻謝劉翁

班荆傾蓋當時事回頭屢更寒暑倦翼才還蒼顏易得  
零落江陵千樹相逢冷署且莫訝儒冠解將人誤計我  
生朝采箋新調映紅炬投閑誰道太早人生行樂耳  
何地非旅緣暗吟眸紅生醉臉聊對簷花細雨移尊共  
語問何日扁舟嫩荷香處坐待蟾光四更猶未吐

摸魚兒

次韻抱甕

采黃花自斟酒醕南山人在何許浮生聚散雲萍似消  
得幾番寒暑些箇路口不斷情悰惟有春天樹停歌罷  
舞更說甚悲懽從教白首心事付口口鈞天夢忘却  
當年宦譜吟蛩口願休訴如今世味更嘗慣但見青山

多嫵清對苦是我誤儒冠還是儒冠誤西湖勝處且趁  
取佳時不寒不暖同汎小舟去

賀新郎

次韻

回首章臺路又一番春事闌珊滿簾風絮郭外誰家閑  
院落別是壺天意趣判一日來游一度除却憂愁風雨  
外肯容他野馬埋雙履行樂地更何處 人生忍把佳  
期誤况今朝滿座春風怎禁不去違社蘭亭當日話便  
合從今委付算此語非緣要譽飲少歡多還覺醉看歸  
途疊嶂青無數情未足日催暮

柳梢青

賦枯梅寄張郎中馬同知

冷淡根荄小春時候雨蕊三花栽向西湖移來東閣一  
任安排 絕憐瘦影橫斜但宜在山顛水涯花裏平安  
嶺頭孤秀榮悴爭些

姚

燧

字端甫號牧庵河南人姚樞之從子至元七年薦爲秦王府文學除陝西漢中道提刑按察司副使調山南湖北道授大司農丞拜江西行省參知政事官至翰林學士承旨諡曰文元史有傳有牧庵詩文集三十六卷詞二卷

清平樂

大德改元之明年辰在戊戌春三月十有一日宣慰麓堂邀飲怪座客無吾肖齋或云逃生朝矣卽席賦清平樂以壽之

南陽昔歲此日懸弧記不料長沙今款避紅袖青軒負  
醉 橫闌直插西東飄殘萬紫千紅不是荼蘼噴雪爭

些閑煞春風

浪淘沙

大德丙午端月十四日立春巧連燈夕求  
西野澹齋月澗同賦

春燕玉釵騰又試初燈天公節序巧相仍  
纖手青絲盤出看寶焰層層  
鞭絕土牛繩已送嚴凝牙旗鐵馬響  
春冰六十九年余治學老病宵興

又 贈重陽奴

初度菊花秋霜水痕收可知不肯離荆州  
元就龍山風力軟破帽颼颼  
今夕定開舟漲水磯頭淵明解印去  
來休夢繞橘齋新草閣檀板輕謳

鷓鴣天 遐觀堂暮飲

誰道夔龍不致君，白頭離亂不曾聞。  
三秦碧樹生春色，千里青山入暮雲。  
何事業，底功勳，百年五十已中分。  
從今萬八千場醉，莫酌劉伶荷鍤墳。

虞美人

牧庵卽事爲李元素作

竹風吹落疎疎雨，紈扇收殘暑。  
小軒驀地細香來，莫是鄰家早有木犀開。  
玉環穿耳誰家女，自獻歌金縷。  
新聲和出紫檀槽，袖出烏絲纔說要揮毫。

定風波

南州以菌生竹間爲葦并樹鵝瘦薄而楮雖日乾猶可煮如此筆竹絲爲之葦蓋得

竹餘氣而生然以世多未見故祥之余以爲理推當如此唐古憲僉筆生菌繪爲圖因有是作



五馬雙旌出郡堂歸來椽筆對凝香只爲好書天作意  
相戲放生三秀在毫芒不是畫師生手觸拳曲層雲  
連葉幾何長我有一占君試記何事已開他日判花祥

江梅引

年年江上見寒梅幾枝開暗香來疑是月宮仙子下瑤  
臺冷艷一枝折入手斷魂遠相思切寄與誰怨極恨  
極嗅玉蕊念此情家萬里暮霞散綺楚天外幾片輕飛  
爲我多愁特地點征衣我已飄零君又老正心碎那堪  
聞寒管吹

滿江紅

送李景山使交趾

六詔江山十年厭挈舟還轍但只有日南遐域未嘗持  
節八月秋風來朔漠燕然已沒雕鞍雪料此時銅柱瘴  
雲收無炎熱 銜尺一行宜決煩重爲雕題說道皇元  
威德萬方臣妾直以越裳聲教阻千金裝匭渠誰屑要  
降王明日共輶軒來金闕

水調歌頭 岳陽寄定庵王萬戶

茲游太奇絕我亦壯君侯春風般地悲嘯笳鼓萬貔貅  
平昔心得吞著八九江南雲夢今上岳陽樓尋酒浣塵  
土山雨戰青油 竟陵客又挾病入西州惟余與汝湍  
水東決則東流遙想凝香畫戟談笑兜鍪盡息莫賦大

刀頭麟閣看他日居右有人否

燭影搖紅

新齋肅政李元讓坐間任氏婦歌海棠開後之語非專爲海棠設故別賦二首

錄呈太初宣相時中

天寶三郎愛瓊睡起紅妝嬾背渠素手洗朱鉛吹裂寧  
王管羯鼓嵬坡塵散記紅冰淫淚斷際天長恨蜀棧青  
驄錦江難浣 千古驚魂泛蘭轉蕙光風暖嫣然一笑  
尙傾城桃李空繁滿銀燭春宵苦短願青軒流光緩緩  
借諸任袖回施新齋捧口口口

木蘭花慢

清明上巳同日亦吾生少遇賦樂府奉呈判縣伯陽志友兼寄高侍讀

暢光風嫋嫋轉幽蕙泛崇蘭上巳清明相期一日百歲

逢難鞦韆千自兒女事快隣翁覆手羽觴乾莫道韶華一  
月從今已屬春殘 故人回首隔長安輪直下金鑿對  
賜火新烟應思被襖何地江干依然齒牙牢在並年時  
花似霧中看獨賴中書未老言時髮尙衝冠

摸魚兒

賦玉簪錄呈趙太初兼與時中茂異

更休尋玉山瑶草蓬萊知在何處司花嫌被春風妒尙  
待九秋清露還解語試問著當時月夜乘鸞女何年遺  
汝恁不怕高寒青冥萬里鬢髻亂風霧 人間世無物  
有香如許靈均遺恨千古芙蓉杜若何堪佩憔悴行吟  
沅浦空自苦謾教得揚雄不信離騷賦雲窗月戶恨白

詩餘補遺卷十一  
一  
髮詩翁年來多病不識醉鄉路

綠頭鴨 贈辛尙書家琵琶妾何氏

錦堂深獸爐香噴沈烟紫檀槽金泥花面美人斜抱當  
筵輕羅綬素肌瑩玉近鸞翅雲髻梳蟬玉笋輕拋魚文  
細撥鳳凰飛上四條弦牙板煩襟消盡秋氣滿庭軒今  
宵月依稀向人欲闕嬋娟 變新聲能翻舊曲眼前風  
物凄然路漫漫漢妃出塞夜悄悄商婦移船馬上愁思  
江邊怨感分明都向曲中傳因無力勸人金盞須要倒  
垂蓮拚沈醉紅塵情况一夢游仙

王

結 字儀伯定興人仁宗在潛邸時以薦充宿衛  
及卽位遷集賢直學士元統中官至中書左

丞諡文忠有王

文忠集六卷

按文忠爲順德路總管著善俗要義三十三條附見集中教養之法纖悉無遺張珪稱其非聖賢之書不讀非仁義之言不談信然

臨江仙 次韻答曹子貞

寄語蓬萊山下客飄然俯瞰塵寰寥寥神境倚高寒步  
虛仙語妙凌霧珮聲閒 笑我年來渾潦倒多情風月  
相關臨江結屋兩三間虛絃驚落雁倚杖看青山

南鄉子 秋日旅懷

秋氣入簾櫳矮榻虛軒睡思濃夢覺黃梁初未熟相逢  
都在邯鄲逆旅中 擾擾正愁儂雨霽西山翠幾重更

言辭補遺卷一  
上層樓閒徙倚晴空目送冥飛萬里鴻

水調歌頭 送俞時

衆理識中散野鶴自昂藏螢窗雪屋十載南國秀孤芳

河漢胸中九策

君嘗以用人九策干中書

風雨筆頭千字畫省姓名

香文采黑頭椽輝映漢星郎 怕山中猿鶴怨理歸航

人生幾度歡聚且莫訴離腸休戀江湖風月忘却雲霄

間闔鴻鶴本高翔笑我漫浪者邱壑可倘佯

木蘭花慢 送李公敏

渺平蕪千里烟樹遠淡斜暉正秋色橫空西風浩蕩一

雁南飛長安兩年行客更登山臨水送將歸可奈離懷

慘慘還合遠思依依 當年寥廓與君期  
塵滿芟荷衣 把千古高情傳將  
瑤瑟付與湘妃栽培海隅桃李洗蠻  
烟瘴雨布春輝鸚鵡洲前夜月醉來  
傾寫珠璣

滿江紅 詠鶴

華表歸來猶記得舊時城郭還自嘆  
昂藏野態幾番前 却飲露豈能令我  
病窺魚正自防人樂被天風吹夢入  
樊籠情懷惡 緱嶺事青田約空悵  
望成離索但衣裳 綺袂依然如昨日  
何日重逢王子晉玉笙悽斷歸寥廓  
儘儂家丹鳳入雲中巢阿閣

摸魚兒 秋日旅懷



快秋風颯然來此可能消盡殘暑辭巢燕子呢喃語喚  
起滿懷離苦來又去定笑我兩年京洛長羈旅此時愁  
緒更門掩蒼苔黃昏人靜閒聽打窗雨 英雄事漫說  
聞雞起舞幽懷感念今古金張七葉貂蟬貴寂寞子雲  
誰訴癡絕處又剗地欲操朱墨趨官府瑤琴獨撫惟流  
水高山遺音三歎獨冀賞心遇

柯九思

字敬仲自號丹邱生台州  
仙居人官奎章閣博士

鐵網珊瑚載九思自記云補之詞翰稱妙一  
代此卷尤佳其柳梢青四詞可以想像當時  
風致勉強續紹以貽好事時至正元年冬十  
有一月南至日書于雲容閣

柳梢青

未開

懊恨春初飄零月下輕離輕隔重醞梨雲乍舒椒眼羞  
人曾識 已堪索笑巡簷早準備憐憐惜惜莫是溪橋  
攬先開卻試馳金勒

又 欲開

姑射論量漸消冰雪重試梳妝欲吐芳心還羞素臉猶  
吝清香 此情倒底難藏悄脈脈相思寸腸月轉更深  
凌寒等待更倚西廊

又 盛開

琴臺輕搭南枝逗暖乍收微霎亂播繁花快張華宴繞  
花千匝 玉堂無限風流但只欠些兒雪壓任選一枝

折歸相伴繡屏花鴨

又將殘

瓊散殘枝點窗欵欵度竹遲遲欲訴芳情笛中曾聽畫  
裏重披 春移別樹相期漸老去何須苦悲人日酣春  
臉霞侵曉須記當時

胡祇通

字紹聞號紫山磁州武安人中統初張文謙  
宣撫大名辟爲員外郎擢右司以忤阿合馬

遷太原府治中擢荆湖北道宣慰副使官至  
江南提刑按察司延祐五年追贈禮部尙書

諡文靖元史有傳有紫

山大全集二十六卷

松耕錄珠簾秀姓朱氏姿容姝麗雜劇當時  
獨步此與馮子振作皆寓意珠簾由此聲譽  
益彰

沈醉東風 贈歌兒珠簾秀

錦織江邊翠竹絨穿海上明珠月淡時風清處都隔斷  
落紅塵土一片閒情任卷舒挂盡朝雲暮雨

馮子振

字海粟自號瀛州客依州人官翰林學士有與釋明本倡和梅花百詠一卷

按鐵網珊瑚載至治元年瑛公住持隆教寺疏署名稱長沙馮子振當是其郡望也

鷓鴣天

前題

十二闌干映遠眸醉香空斷楚天秋蛾鬚影薄微微見  
龜背紋輕細細浮 香霧歛翠雲收海霞爲帶月爲鉤  
夜來捲盡西山雨不著人間半點愁

鷓鴣曲

和白无咎韻

言系不道卷十七  
七  
巍峩峯頂移家住旦暮見上下樵父爛柯時樹老無花  
葉葉枝枝風雨故人曾喚我歸來却道不如休去指  
門前萬疊青山是不費青蚨買處

又 錢塘初夏

錢塘江上親曾住司馬標不是村父縷金衣唱徹流年  
幾陣紗窗梅雨夢回時不見犀梳燕子又銜春去便  
人間月缺花殘是小小香魂斷處

又 溪山小景

長繩短繫虛名住傾濁酒口勸鄰父草亭前矮樹當門  
畫出輕烟疎雨看燕南陌上紅塵馬耳北風吹去一

年年月夜花朝自占取溪山好處

拜

住

安童孫襲爲宿衛長延祐二年擢太常禮儀院使英宗時拜中書平章事歷左丞相爲鐵失所害追封東平郡王諡忠獻

菩薩蠻

鞦韆

紅繩畫板柔荑指東風燕子雙雙起誇俊與爭高更將

裙繫牢

牙床和困睡一任金釵墮推枕起來遲紗窗

月上時

蒲道源

字得之號順齋自眉州徙居興元嘗爲郡學正罷歸晚以遺逸徵入翰林改國子博士歲餘引去起提舉陝西提學不就卒

以子機貴贈祕書少監有順齋詞

黃滔序云皇慶延祐間公以性理之學施於臺閣之文譬如良金美玉不假鍛鍊瑀琢而

詩經補遺卷十七  
光耀自不可掩

點絳脣

賦野薔薇

玉蕊瓏璁繞籬盈樹知誰種碧雲堆重化作飛瓊洞  
勾挽春衫裊裊珠纓弄風微動行人飛鞚著袖清香送

西江月

堤柳風前影瘦池荷雨後香殘高秋物色已闌珊落日  
孤烟微暗 平野大家徐步此身贏得長閒路逢俗子  
笑相看道我爲歡冷淡

臨江仙

梅

聞說東庵梅最好何須遠訪西湖金衣相映玉肌膚幽

香俱可愛顏色不妨殊  
花主惜春仍好事賞花清似  
林逋冰蕤雪萼正敷腴只愁無客至那怕酒夢沽

毆陽元

字原功其先自廬陵遷瀏陽延祐二年進士除同知平江州事調蕪湖武岡二縣尹召進

國子博士遷翰林待制天應初授藝文少監至正初以學士告歸詔修宋遼金三史起爲

總裁官拜翰林學士承旨卒贈楚

國公諡曰文有圭齋集十五卷

按虞集道園學古錄送元謁告還瀏陽云憶

昔先君早識賢手封佳製動成篇交游有道

真三益翰墨同朝又十年集父教授潭州見

元文手封一帙寄集曰他日當與汝並駕齊

驅故集詩云爾其詞流傳絕少茲從日下舊

聞考錄出漁家傲十二首想見承平風物之

盛足與北京歲華記帝京景物畧互資考証

漁家傲



正月都城寒料峭除非上苑春光到元日班行相見了  
朝回早闕前褫怕歡相抱漢女姝娥金搭腦國人姬

侍金貂帽繡鞞雕鞍來往鬧間馳驟拜年直到燒燈後

又

二月都城春動野引龍灰向銀床畫士女城西爭買架  
看馳馬官家迎佛官蘭若冰暖天鷺紛欲下鷹房奏  
獵催車駕却道海青逢燕怕纔過社柳林飛放相將罷

又

三月都城遊賞競官牆官柳青相映十一門頭車馬並  
清明近豪家寒具金盤餽墀祭流連芳草逕歸來風

送梨花信向晚輕寒添酒病春烟暝深深院落鞦韆迴

又

四月都城冰碗凍含桃初薦瑛盤貢南寺新開羅漢洞  
伊蒲供楊花滿院鶯聲啾歲幸上京車駕動近臣準  
備鑾輿從健德門前飛玉鞋爭持送葡萄馬乳歸銀甕

又

五月都城猶衣袂端陽蒲酒新開臘月傍西山青一摺  
荷花夾西湖近歲過茗雪血色金羅輕汗塌宮中畫  
扇傳油法雪腕綵絲紅玉甲添香鴨涼糕時候秋生榻

又

六月都城偏晝永，轆轤聲動浮瓜井。海上紅樓歛扇影，  
河朔飲碧蓮花肺。槐芽瀝，綠鬢親王初守省。乘輿去，  
後輩巡警太液池。心波萬頃，闕芳景，掃宮人戶撈漁艇。

又

七月都城爭乞巧，荷花旖旎新棚架。籠袖嬌民兒女狡，  
偏相攪穿針月下濃妝倣。碧玉蓮房和柄拗，晡時飲  
酒醒時卯淋罷。麻稽秋雨飽，新涼稍夜燈。叫買雞頭炒。

又

八月都城新過雁，西風偏解驚游宦。十載辭家衣綫綻，  
清宵半家家搥練砧聲亂。等待中秋明月翫，客中只

作家中看秋草牆頭螢火爛疎鐘斷中心臺畔流河漢

又

九月都城秋日亢馬頭白露迎朝爽會上西山都蒼莽  
川原廣午林紅葉同春賞 一本黃花金十鏹富家菊

譜籤銀榜龍虎臺前鼙鼓響擎仙掌千官瓜果迎鑿仗

又

十月都城家旨蓄霜菘雪韭冰蘆煎煖炕煤爐香豆熟  
燔獐鹿高昌家賽羊頭福 貂袖豹袿銀鼠襪美人來  
往瓊車續花戶油牕通曉旭回寒煥梅花一夜開金屋

又

十一月都人居煖閣吳中雪紙明如堊錦帳豪家深夜  
酌金雞喔東家撒雪西家噱 織指柔長宮線弱陽回  
九九官冰鑿盡道今冬冰不薄都人樂官家喜受新年  
朔

又

十二月都人供暖筵宮中障面霜風獵甲第藏鉤環侍  
妾紅袖壓笑歌聲送金蕉葉 倦客玉堂寒正怯曉淘  
金井冰生蠶凍合竈觚飭一樸吳霜鑷換年懶寫宜春  
帖

劉雲震

鮮于樞困學齋雜錄劉祭酒雲震以酒自晦  
常有東宮千秋節應教詩云一年一度到青  
關每到青關盡醉歸絕勝杜陵驢背上朝回  
日日典春衣又春寒東風連日暗塵沙二月  
邊城草未芽燕子不來庭院悄定銜春色入  
誰家詞云云

百字令

郡城元夜

景龍天氣正餘寒料峭輕風簾幙萬斛金蓮光不夜香  
滿雲間樓閣金鞦頻敲繡簾高揭應爲黃昏約霜娥無  
恙喚人依舊飄泊却恨烏兔無情把人青鬢白恁星  
星却千古繁華行樂地誰笑誰歌誰酌北海尊罍東山  
絲竹夢裡揚州鶴客窗無味故人誰念蕭索

太常引

得薦不遇

耿耿九虎隔重關到天上却空還回首謝塵寰問今日  
誰人姓韓 瓜田蔬圃竹溪松逕何地不堪閒且莫問  
長安比蜀道元來更難

又

東平嚴彥祖餞東湖亭卽席作

東吳亭下簇金鞍四座浹清歡人物畫中看只枉了劉  
郎鬢斑 花枝裊娜酒盃潏灑全不放春閒絲竹舊東  
山暢好個風流謝安

浣溪沙

贈大興尹游子明

粉署含香舊有名庖刀試手便崢嶸并州人物未飄零  
父老共傳新政好兒童都道長官清十分和氣滿春

城

詞綜補遺卷十七



詞綜補遺卷十八

長洲陶樑緝

元詞六十三首

趙雍十七首

王國器三首

曹居一首

趙洪一首

趙興仁六首

張林三首

王奕四首

劉燠二十四首

陳櫟一首

胡炳文一首

白无咎一首

石民瞻一首

趙

雍

字仲穆孟頫仲子以蔭守昌國海寧二州歷官翰林院待制

詞綜補遺卷十八

一

仲穆自跋云延祐六年春正月寄呈德璉姊丈一觀冀改抹幸甚書于大都咸宜里之寓舍

文徵明跋趙侍制風流習尚不減魏公而詩文不傳聞見于卷軸間不過單詞數言而止未有若此卷之富者楷行間作轉益妍美後云書寄德璉姊丈蓋魏公長倩王國器也國器長於今樂府揚鐵崖亟稱之故此卷所書樂府爲多豈亦因其所好耶

許初跋趙仲穆書克紹松雪家學時能亂真此卷尾非署名及與姊丈德璉云云殆以乃翁目之矣所書凡世三五首而體詞特多或偶與爾間如江城子水調歌頭二闕頗以孤忠自許紛華是薄而興亡骨肉之感點萬其中意其父子之仕當時亦容有不得已者良可悲已

按仲穆所書橫卷詩十八首詞十七闕近時長塘鮑氏列入知不足齋叢書名趙待制遺藁並稱顧氏秀野堂元百家詩正從此卷采獲但其詩尙有遺者詞則更有所不暇及茲

從錄編珮瑤得王德璉詞因并錄之以誌異  
興一時人物之盛

鄧馮彭檢紅

玉耳墜金環

乳燕交飛曉鶯輕轉花深處畫堂簾幙捲東風晴雪飄  
香絮猶記當時院宇悄寒輕梨花暮雨繡衾同夢鴛枕  
雙敲綠窗低語 春已闌珊落紅飄滿西園路強拈鍼  
線解春愁只是無情緒無奈年華暗度黛眉顰柔腸萬  
縷章臺人遠芳草和烟萋萋南浦

浣溪沙

楊柳樓臺鎖翠烟楊花簾幙撲香綿佳人何處隔江山  
芳草已生千里恨玉笙吹徹五更寒夜深和淚倚闌

干

又

落盡楊花滿地春絲陰如淬靜無塵日長庭院掩重門  
斜墜金釵雲半髲淡妝香臉粉初勻相思偏是少年  
人

憶秦娥

春寂寂重門半掩梨花月梨花月芳心如醉暗思當日  
金釵欲墮烏雲側佳人望斷天涯客天涯客今年又  
過清明寒食

踏莎行

畫角聲殘金爐烟裊長空澹澹連芳草朱簾半捲晚霞  
明塞雁無情音信杳雨散雲收離多會少相思真箇  
令人老不須惆悵且開懷一尊滿引愁如掃

攤破浣溪沙

春草萋萋綠漸濃梨花落盡晚來風試問相逢何處好  
小樓東朱箔影移無限恨玉簫聲轉曲將終獨倚闌  
干誰是伴月明中

蝶戀花

顏色如花膚似雪嬌眼傳波密意曾低說羅帶同心愁  
未結情多不忍成輕別別後相思心更切異日重逢

鏡裏花難折寶篆香消烟漸歇玉簫吹徹黃昏月

浣溪沙

翠鎖蛾眉別恨濃羅衣初試怯春風相思只爲兩西東  
簾捲玉鉤雲淡淡香消金鴨雨濛濛此情都在不言

中

蝶戀花

枝上流鶯千轉巧好夢方成又把人驚覺臨鏡慵妝眉  
淡掃羅衣寬盡腰肢小別久啼多音信少應似嬌波  
不似當年好簾捲東風深院情落紅滿地和芳草

南鄉子

別久漸生愁知有音書苦未收此際多情應盼我疑眸  
帶得啼痕上小樓 舉止忒風流只在城南淅水頭思  
只藍橋重欲見無由兩地相思甚日休

人月圓

人生能幾渾如夢夢裏奈愁何別時猶記眸盈秋水淚  
濕春羅 綠楊臺榭梨花院字重想經過水遙山遠魚  
沈雁杳分外情多

又

相思何日重相見山遠水偏長鳳簫雖斷鸞膠難接愁  
滿離腸 最傷情處鮫綃遺恨翠靨留香故人何在濃

陰深院斜月幽窗

江城子

仙肌香潤玉生寒  
悄無言思綿綿無限  
柔情分付與青山  
青鳥能傳雲外信  
憑說與帶圍寬  
花梢新月幾時圓  
再團圓是何年  
可是當初真箇兩無緣  
極目故人天際遠  
多少恨凭闌干

又

五陵衣馬恣輕肥  
競新奇亦何爲  
混處賢愚誰是辨  
雄雌任爾刺天何足道  
終不肯羨羣飛  
燕山花落暮春時  
杜鵑啼勸誰歸  
耿耿孤忠惟有此  
心知天賦我才還



有用應不至負心期

燭影搖紅

新綠成陰落紅如雨春光晚當年誰與種相思空羨雙  
飛燕寂寞幽窗孤館念同游芳郊秀苑香塵隨馬細草  
承輪都成腸斷別久情深幾時相約閑庭院高樓終  
日捲珠簾極目愁無限莫恨藍橋路遠有心時終須再  
見休教長怨鏡裏孤鸞篋中團扇

水調歌頭

春色去何急春去尙微寒滿地落花芳草漸覺綠陰圓  
馬足車塵情味暑往寒來歲月擾擾十餘年贏得朱顏

老孤負好林泉 寶裝鞍金作鞵玉爲鞭須臾得志紛  
華滿眼縱相謾功名自來無意富貴浮雲何濟於我亦  
徒然萬事付一笑莫放酒杯乾

木蘭花慢

恨匆匆賦別回首望一長嗟記執手臨流遲遲去馬浩  
浩平沙此際黯然腸斷奈一痕明月兩天涯南去孤舟  
漸遠今宵宿向誰家 別來旬日未曾過如隔幾年華  
縱極目層崖故人何處淚落兼葭聚散古今難必且乘  
風高詠木蘭花但願朱顏長好不愁會少離多

王國器

字德璉號筠庵吳興人趙孟頫婿蒙之父

管花飛 金鋪滿地苔衣似一片斜陽未移生怕清香  
又隨涼信吹過東籬

琴調相思引

冰箔紗簾小院清晴塵不動地花平昨宵風雨涼到木  
犀屏 香月照妝秋粉薄水雲飛珮蕩絲輕好天涼夜  
閒理玉鞞笙

西江月

夜半河痕依約雨餘天氣冥濛起行微月遍池東水影  
浮花花影動簾櫳 量減難追醉白恨長莫盡題紅雁  
聲能到畫樓中也要玉人知道有秋風

清平樂

柳絲搖露不縮蘭舟住人宿溪橋知那處一夜風聲千  
樹曉樓望斷天涯過鴻影落寒沙可惜些兒秋意等  
閒過了黃花

好事近

春色醉荼蘼畫永篆烟初絕臨水楊花千樹盡一時飛  
雪穿簾度竹弄輕盈東風老猶劣睡起憑闌無緒聽  
幾聲啼鴂

張

林字去非號栲巖至大金陵新

志張林池州守大軍至迎降

柳梢青

燈花

見絕妙好詞

白玉枝頭忽看萼蕾金粟珠垂半顆安榴一枝濃杏五  
色薔薇 何須疊鼓聲催銀缸裏春工四時却笑燈蛾  
學他蜂蝶照影頻飛

唐多令

金勒控花驄故山雲霧中翠蘋洲先有西風可惜嫩涼  
時枕簟都付與舊山翁 雙翠合眉峯淚花分臉紅向  
尊前何太匆匆纔是別離情便苦都莫問淡和濃

柳梢青

題金陵烏衣園

見景定建康志

燕里花深鷺汀雲淡客夢江皋日日言歸淮山笑我塵  
鎖征袍 幾回把酒憑高闌干外魂飛暮濤只有南園

一番風雨過了櫻桃

王

奕

字敏伯玉山人自號王斗山人宋亡又號至元奕民入元官本邑教授有東行斐稿三卷

附詞

西江詩話載敏伯送謝疊山先生北行云皇天久矣眼垂青盼盼先生此一行遺表不隨諸葛死離騷生伴屈原清兩生無補秦興廢一出仍關與重輕白骨青山如得所何須兒女哭清明

接奕寄周月湖云起觀驪宇皆周土只有西山尙屬商雖食元祿尙以宋遺民自况也

賀新郎

僕過魯自葛水買舟至維揚又自維揚買舟至孔林登泰山復還淮楚盡江山所歷之妙真所謂茲行冠平生者也

有客過東魯白葛水泛舟西下帆開三楚萬里湖光磨

水鏡五老落星州渚又飛過二姑門戶彭澤柳青新舊  
色望九華依約池陽路風雨廟烏江羽 蛾眉牛渚皆  
如故問緣何澹港汀洲江聲無語采石書生勲業在公  
子錦袍何處流恨下秦淮商女多景樓頭吟北固笑平  
山堂裏誰爲主且爛飲瓊花露

又

醉醒瓊花露買扁舟召伯津頭向秦郵去流水孤村鴉  
萬點回首少游斜樹又著訪山陽酒侶細剔留城碑蘼  
看上歌臺一嘯江東主望鳧繹過鄒魯 孔林百拜瞻  
塋墓歷曲阜少皞之墟大庭之庫竟涉汶河登秦岱夜

半清光元國遙通問東平歸路口塚黃花吟笑罷下新  
州醉白樓頭賦復淮楚尋故步

醉江月

和辛稼軒金陵賞心亭

英雄老矣對江山莫遣淚珠成斛一簷西風休掩面白  
浪黃塵眯目鳳去臺空鷺飛洲冷幾度斜陽木欲書往  
事南山應恨無竹寧是商女當年後來腔調拍手銅  
鞮曲偃蹇老松雖拗面猶逞一枰殘局烏巷垂楊鵲橋  
野草今爲誰家綠賞心何處浩歌歸臥梅屋

臨江仙

和元遺山題揚州平山堂

二十四橋明月好暮年方到揚州鶴飛仙去總成休裏



陽風笛急何事付悠悠 幾闕平山堂上酒夕陽還照  
邊樓不堪風景重回頭淮南新棗熟應不說防秋

劉

燠

字起潛號水村南豐人宋季隱居不仕入元  
以薦官延平教授有水雲村吟藁十二卷詞

附

吳澄劉起潛墓表起潛幼孤事母篤孝樂爲  
義舉厚朋友卹貧困拯人於患難心之所至  
不顧己力如何研經究史網羅百氏文思如  
湧泉所著有經說講義水雲村泯稿思華錄  
哀鑑隱居通議凡百三十五卷

符遂劉水村先生傳稱爲西理坊人所居鄰  
安禪寺與溪邊水雲日接因名水雲村遂自  
號水邨年三十七宋亡時多死節之臣悉名  
行不傳作補史十忠詩年五十六以明經秀  
才薦任本郡學正踰七十升延平儒學秩滿  
受代諸生私留受業三年乃還卒於延祐己  
未壽八十

湘靈瑟

故伎周懿葬橋南

酸風冷冷哀笳吹數聲碎雨冥冥泣瑤英 花心路芙

蓉城相思幾回魂驚腸斷墳草青

按歷代詩餘及詞譜詞律前人詞集此調

均不載

醉思仙

黃南山縣寄所寓

瓊樓幾間瑤徽幾彈覓花聲繞回闌悄微聞佩環 簾

櫳豈閑鑑薰晝殘午風搖曳屏山露裙紅一斑

按此詞與劉過

醉太平詞同

點絳脣

風捲游雲梨花夢冷人何處一溪烟雨遮斷垂楊渡

汀草初黃送流車出陌別酒浮鷓鴣亂山迷去路空閣帶  
餘香人漸遠意淒涼更暮雨淋浪悔不辦窄衫細馬兩  
兩交相春梁語燕猶雙欵曉窗新月獨照劉郎寄箋  
頻誤約臨鏡想慵妝知幾夢懨懨腸任更駐何妨但只  
憐綠陰匝匝過了韶光

六么令 雲舍趙使君同賦

曉來寒角吹起愁相觸亂雲黯淡江渚疏柳雙鴉宿錦  
瑟銀屏何處花霧翻香曲柔紅嬌綠魂消往夢羞向孤  
梅說幽獨 臙脂曾印素袂絳豔收殘馥頻問訊道新  
來悶損纖腰束多謝芳心倦戀羅結文鴛蹴前歡誰卜

雲箋封蠟就寄相思恨盈朔

滿庭芳

春日過城東舊游

簾捲疏檣樓平危堞幾回符玉凭闌覓花呼酒更共理  
哀彈暖日柔風好景行雲繞鶯燕翩翻誰知道冶游重  
到已賦解連環 乘雲何處去花深隔院應恨春閒但  
紫驢嘶度時望重關長恨江樓柳老女郎腰又負眠三  
東城路一回一感愁見月兒彎

天香

次韻賦牡丹

雨秀風明烟柔霧滑魏家初試嬌紫翠羽低雲檀心運  
粉竭冠洛京新譜沈香醉墨曾賦與昭陽仙侶塵世幾

經朝暮花神豈知今古  
愁聽流鶯自語歎唐宮草青  
如許空有天邊皓月見霓裳舞  
更後百年人換又誰記  
今番看花處流水夕陽斷魂鐘鼓

燭影搖紅

月下牡丹

院落黃昏殘霞收盡  
廉纖雨天香富貴洛陽城巧費春  
工作自笑平生吟苦寫不盡此花風度玉堂銀燭翠幄  
畫闌萬紅爭妒  
那更深宵寒光幻出清都府嫦娥跨  
影下人間來按紅鸞舞連夜杯行休駐生怕彩雲飛  
去酒闌人靜月淡塵清曉風輕露

長相思慢

客中

露隔平林風欺敗褐十分秋滿黃華荒庭人靜聲慘寒  
蛩驚回羈思如麻庾信多愁有中宵清夢迢遞還家楚  
水繞天涯黯銷魂幾度棲鴉對綠橘黃橙故園在念  
悵望歸路猶賒此情吟不盡被西風吹入胡笳目極黃  
雲飛度處臨流自嗟又斜照江鴻景斷夜來空信燈花  
原註：此詞定王戎水村與傅幼安自得同客于建昌太守  
其信應孫郡濟水村有母故云目極黃雲飛度處臨流  
自嗟

選冠子 贈歌者入閩用月巢韻

暝蕩迷紅水天籠曉帆去野潮聲急離鷺獨倚巧燕雙  
飛忍向東風飄折塵消紫曲闌干箏雁沈聲頓成孤臆

嘆舟回人遠細花蘼澤悄無痕迹  
顛顛損俊賞杜郎  
多情苟令欲寫別愁無力問星南轉江月西沈空擬夢  
來今夕古驛荒村誰憐賦扮風侵鬆蟬雲濕但斷魂烟  
浪瘦看橋西落日

惜餘春慢 春雨

玉勒絲鞭采旗紅索總向愁中休了偏憐景媚爲甚愁  
濃都爲雨多晴少桃杏開到梨花紅印香泥綠平幽沼  
也無饒紅藥殿春更作薄寒清峭 塵夢裏暗換年華  
東風能幾又把一番春老鶯花過眼蠶麥當頭朝日濃  
陰籠曉休恨烟林杜鵑只恨啼鳩呼雲聲杳到如今煖

藹烘晴滿地綠陰芳草

買陂塘 與沈潤予鄧元實同賦

暮雲沈淒淒花陌荒苔青潤鴛鴦嬌紅一捻不勝春苦  
雨酸風倜傥從別後但暗憶娉婷幾把垂楊蹂香銷韓  
裏念鶯燕悲吟鳳鸞儂去空負摘花手 銅鋪掩窺見  
文窗依舊箏琶塵點絃絳欲圓春夢今猶未怪得西飛  
太驟凝佇久擬待倩鴻都羽客尋仙偶青衫濕透歎玉  
骨沈埋芳魂縹緲何處酌尊酒

又 與沈潤予同賦

倚樓西西風驚鬢吹回塵思蕭瑟碧桃影下驂鸞夢十



載雲沈雨隔空自憶漫紅蠟杏箋難寫舊悽惻烟村水  
國欲閑却琴心蠹殘篋面老盡看花客 河橋側曾試  
雕鞍玉勒如今已忘南北人間縱有垂楊在欲挽一絲  
無力君莫拍渾不似年時愛聽酒邊笛湘簾巷陌但斜  
照斷烟淡螢衰草零落舊春色

賀新郎

催花呈趙雲舍

辦著春游費奈狂風吹寒禁定滿城花事天暝雲深時  
度雨院落秦箏未試倩誰趨杏嬌桃媚韶色三停今過  
一只淡黃楊柳裝愁思芳徑滑繡窗閉 玉鑪悶炷香  
溫被憶去年匆匆勝賞夢沈烟水遙望秋千新綵索難

把舊痕重繫待煖入香紅十里別擁雙鸞迎素月教明  
年不恨今顛顛鶯共燕汝知未

又 答趙清遠見寄韻

莫笑劉郎老老劉郎平生不是山林懷抱夢裏風雲翻  
海嶽覺後狂歌墜帽嘆幾度荒雞誤曉天際晴雲開五  
色從中年意氣猶年少機事遠有時到 凱歌檄筆憑  
誰道對村中一溪流水半林斜照賴有可人堪話舊時  
共掀髯絕倒也來問袞衣茸口聊且問天占百歲看乾  
坤此事如何了腸斷處春城草

又

醉裏江南路問梅花經年冷落幾番烟雨玉骨冰肌終  
是別猶帶孤山瑞露想醞藉和羹風度萬紫千紅嫌妒  
早羨仙標豈比人間侶聊玩弄六花舞 雲寒木落山  
城暮忽飄來晴香萬斛春浮江浦茅舍竹籬詞客老擬  
傍東風千樹看好月亭亭當午流水村中清淺處稱橫  
斜疎影相容與時索笑想應許

陳

櫟

字壽翁號定宇休寧人宋亡後隱居三十八  
年至延祐甲寅年六十三復出應試中浙江  
鄉試以病不及會試閱二年前上書于執政不  
報元統二年卒年八十三元史有傳著定宇

集十六  
卷詞附

玉樓春

和金滄洲

新篁搖翠添波綠裝點瑞溪深一曲青衫司馬緩來游  
卜夜清歡孤繼燭江心桃杖聊閑來更好著鞭馳駿  
足樽前最好過雲聲劣可織織扶藥玉

胡炳文

字仲虎號雲峯婺源人常爲信州道一書院  
山長再調蘭谿州學正不赴有雲峯集十卷

附詞

滿江紅

吳又元得其伯父子雲太博易學游戲拆  
字間論人窮達貴賤累多奇中作此贈之

一畫先天誰知得已涵元九這易元機括子雲傳授杜  
宇一聲春欲曉牡丹幾朶花開畫問堯夫數字自何來  
俱參透 心胸裏羅星宿心畫上占爻繇看肆中簾捲  
門前車轆易字分明書日月口天真是談天口豈太元

而後別無元如今又

白无咎

按李存侯庵集題白賁畫馬云數筆寫來千里意只今惟有白忻州又姚際恒好古堂書畫記白賁字无咎元大德間錢塘人作花精妙古雅可追徐黃錢舜舉不能過也

百字折桂令

敝裘塵土壓征鞍鞭絲倦裊蘆花弓劍蕭蕭一徑入烟霞動羈懷西風木葉秋水蒹葭千點萬點老樹昏鴉三行兩行寫長空啞啞鴈落平沙曲岸西邊近水灣漁網綸竿釣槎斷橋東壁傍溪山竹籬茅舍人家滿山滿谷紅葉黃花正是淒涼時候離人又在天涯

石民瞻

潤州人

陶宗儀書史會要石巖字民瞻京口人官至縣尹

按徽宗珮珊瑚載民瞻題蘭亭舊刻云巖借觀累日得其妙處又載其次虞伯生韻題趙子昂重江疊嶂圖云藝事惟三絕交情到八哀衣冠太平出筆視好懷開虹月從延竹鷗波渺去迥同爲帝都客揮灑得看來

清平樂 題桐花道人吳園良卷

吳郎丰度邂逅春城暮暖日晴雲花滿樹恰似故人詩句  
坐中翔鳳飛霞來尋弄玉仙家說與江州司馬淚痕只爲琵琶

詞綜補遺卷十八